



Ака́фист

свѣ́тымъ ца́рственны́м страстоте́рпцемъ

Конда́к 1

Избра́ннии ца́рственнии страстоте́рпцы, едина́
дома́шняя це́рковь Христо́ва, Нико́лае,
Алекса́ндро, Алексіе, О́льго, Тати́ано, Мари́е и
Анастасіе, вы, сою́зомъ любве́ связу́еми, яко́
а́гнцы, Христу́ Бо́гу ве́рою послѣдовали есте́ и, в
страда́ннихъ смерть претерпе́вше, Ца́рствія
Небе́снаго насле́дницы яви́лися есте́. Ны́не же,
дерзнове́ние ко Го́споду иму́ще, моли́теся о
земне́мъ оте́чествѣ ва́шемъ, да прославля́емъ васъ
си́це:

Ра́дуйтеся, ца́рственнии страстоте́рпцы,
земли́ Росси́йскія храні́телие и моли́твенницы.

И́кос 1

А́нгельскими́ си́лами укрепля́еми во и́стиннемъ
пути́, седмочі́сленнии страстоте́рпцы, о житіи́
пра́веднемъ и богоуго́днемъ ревновали есте́, да
явите наро́ду ру́сскому́ образъ благочесті́выхъ
царей́. Сего́ ради́ прославля́емъ васъ си́це:

Ра́дуйте́ся, страх Бо́жий в се́рдце, я́ко
основа́ние, положи́вшии;

ра́дуйте́ся, премудро́сть Бо́жию и́стинне
возлюби́вшии.

Ра́дуйте́ся, все упова́ние на Бо́га возложи́вшии;

ра́дуйте́ся, оте́честву ва́шему ве́рно
послужи́вшии.

Ра́дуйте́ся, христиа́нскаго благоче́стия тве́рдое
прави́ло;

ра́дуйте́ся, ца́рственнаго ро́да Росси́йскаго
похва́ло.

Ра́дуйте́ся, Правосла́вныя ве́ры кре́пкое
испове́дание;

ра́дуйте́ся, стра́ждущаго наро́да на́шего
утеше́ние.

Ра́дуйте́ся, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 2

Ви́дя Госпо́дь пока́яние наро́да на́шего, егда́
смутна́я времена́ наста́ша, умилосе́рдися и яви́
милость Свою́ во избра́нии Михаи́ла ца́ря, его́же
ико́ною Пречи́стыя Богоро́дицы, Феодо́ровская

именуемою, чрез родительницу благослови, да будет икона сия покров и защищение ему и всему новоизбранному царскому роду и во утверждение державы Российския. Сего ради благодарне вопиём Богу: Аллилуия.

Икос 2

Разумеша людие Российстии, яко избранием на царство новаго рода благочестиваго, утиши Господь нестроения и смуты в Земли нашей, принесоша обет вернаго служения роду сему. Мы же, любви и ревности тех подражающе, к вам, царственнии страстотерпцы, яко наследником сего избрания со умилением вопиём:

Радуйтесь, венец и похвало рода царскаго и священнаго;

радуйтесь, корене благочестиваго преславныя отрасли.

Радуйтесь, Патриарха Российскаго Филарета святое прозябение;

радуйтесь, попечению его о Церкви и отечестве подражавшии.

Радуйтесь, великия старицы инокини Марфы благословенное наследие;

ра́дуйтеся, покорность во́ли Бо́жией от нея́
восприимшии.

Ра́дуйтеся, пред ико́ною Бо́жия Ма́тере
Фео́доровския моли́твы при́сно возно́сившии;

ра́дуйтеся, все упова́ние на по́мощь Богоро́дицы
с ве́рою возлага́вшии.

Ра́дуйтеся, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 3

Сила Бо́жия и промы́ление Всевы́шняго яви́ся
в рождéнии твоéм, ца́рственный страстоте́рпче
Нико́лае, вели́каго бо святи́теля и́мя восприе́м,
засту́пник Росси́йския Зе́мли показáлся еси́.
Мно́гия же ско́рби и боле́зни, подо́бне Йо́ву
пра́ведному, в житии́ претерпе́в, ны́не с ли́ки
страстоте́рпцев наслажда́ешися ра́йскаго
блаже́нства, воспева́я Бо́гу: Аллилу́ия.

И́кос 3

Име́я сугу́быя засту́пники и покрови́тели в
рождéнии твоéм Йо́ва многострада́льнаго и
Никола́я чудотво́рца, держа́вный страстоте́рпче,
добродете́лем тех последовал еси́. Мы же,
дивя́щися промы́лению Творца́, во святы́х сих

о́браз благочѣстїа указавшаго ти, благоговѣйне
воспеваемъ сїце:

Радуйся, в молитвахъ святителя Миръ Ликійскихъ
прїсно призываяя;

радуйся, по́мощию того́ Россійскую Державу
праведно окормляяя.

Радуйся, о́бразомъ кротости тому́ уподобивыйся;

радуйся, милосѣрдїе мно́гое, якоже о́ный,
явивый.

Радуйся, терпѣние Іовле в сѣрдце твоѣмъ
имевый.

радуйся, вѣрность Бо́гу в житїи твоѣмъ до конца́
сохранивый.

Радуйся, в тяжкихъ беда́хъ, якоже о́ный,
благодарѣние Бо́гу приносивый;

радуйся, вся находящая на тя со смиренїемъ
прїемый.

Радуйтеся, царственнии страстотѣрпцы,
земли Россійскїа хранїтелие и молитвенницы.

Кондак 4

Бурю смущения, воздвигаемую от человек безбожных в стране нашей, видя, страсотерпче Николае, не смутился еси в сердце твоём и, все упование на Бога возложив, не возропта еси, егда отвергоша ты люди твоя; обаче с верою воспел еси Богу: Аллилуия.

Икос 4

Слыша о мятежах, болезнях и междоусобных бранех, нашедших на землю Русскую, во узах сый, страсотерпче царю Николае, моление о людех ея непрестанне приносил еси, милосердие Божие к ним призывая. Сего ради мы воспеваем тебе тако:

Радуйся, от юности отечество и народ твой возлюбивый;

радуйся, яко и во отвержении любовь сию сохранивый.

Радуйся, помазание на царство с благоговением приемый;

радуйся, образ благочестиваго царя миру явивый.

Ра́дуйся, ца́рский вене́ц со смире́нием на ся
возложи́мый;

ра́дуйся, венца́ страда́ний от Го́спода
удосто́енный.

Ра́дуйся, ца́рское служе́ние, я́ко послуша́ние
Бо́гу, разуме́вый;

ра́дуйся, поноше́ния, я́ко крест, взе́мый и с
терпе́нием понесы́й.

Ра́дуйтесь, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 5

Богосве́тлый свети́льник во мра́це скорбе́й
благове́рней супру́жнице твое́й яви́лся еси́,
ца́рственный страстоте́рпче Нико́лае, указу́я и
возглавля́я путь ея́, я́коже повеле́ Госпо́дь. Мы
же, прославля́юще ваш благослове́нный союз во
Христе́, хвалу́ Бо́гу возда́ем, пою́ще: Аллилу́ия.

И́кос 5

Ви́дя ца́рственный страстоте́рпец ю́ницу
Алекса́ндру, я́ко голу́бицу чи́сту, избра́ ю себе́ в
благове́рную супру́жницу, Правосла́вную цари́цу
и ма́терь наро́да Росси́йскаго. Мы же, ве́дуще
усе́рдное служе́ние ея́, воспева́ем си́це:

Ра́дуйся, имене́таго ро́да благо́честі́вое
прозябе́ние;

ра́дуйся, от лю́терския ве́ры к Правосла́вию
о́бразе спаси́тельнаго прехожде́ния.

Ра́дуйся, всем се́рдцем моли́тву возлю́бившая;

ра́дуйся, о слúжбе Бо́жией се́рдечно
ревновáвшая.

Ра́дуйся, сло́вом Бо́жиим и писáнием святы́х
оте́ц себе́ назда́вшая;

ра́дуйся, уста́вы церко́вныя благоговéйно
соблюда́вшая.

Ра́дуйся, ру́сское благо́честіе досто́йно
восприéмшая;

ра́дуйся, и́стинныя жи́зни во Христе́
приобщи́вшаяся.

Ра́дуйтеся, ца́рственнии страсотéрпцы,

земли́ Росси́йския храните́лие и моли́твенницы.

Конда́к 6

Пропове́дует житиé ва́ше бра́ка свята́го чистоту́,
благове́рнии Нико́лае и Алекса́ндро. Вы бо,
благодáть сего́ вели́каго та́инства досто́йно
восприéмше, да́же до му́ченическа́я кончи́ны

вѣрность Христу́ и любовь друг ко другу
сохранили есте́, присно воспевающе
Богу: Аллилу́ия.

Икос 6

Воссия́ в странѣ Россійстей, яко прекрасная
светила́, благовѣрная царственная чета́ Никола́й
и Алекса́ндра, супру́зи, союзом любви́ Христо́вы
связа́емии. Мы же, прославляюще образ их
целомудреннаго и добронравнаго житія́ в ми́ре
сем, со благоговѣнием воспева́ем си́це:

Ра́дуйтесь, всем се́рдцем Бо́га взыска́вшии;

ра́дуйтесь, в путѣх Господних непорочно
ходившии.

Ра́дуйтесь, дво́ице честная́, свѣше избра́нная;

ра́дуйтесь, дво́ице святая́, славою и че́стию от
Бо́га венча́нная.

Ра́дуйтесь, целомудрие супру́жеское
многоча́дием прославившии;

ра́дуйтесь, ча́да ва́ша, яко новосаждѣния
ма́сличная, о́крест трапѣзы Небе́сных
собра́вшии.

Ра́дуйтесь, супру́ги во благоче́стии и любви́ жи́ти
науча́ющи;

ра́дуйтеся, мир Христо́в о́ным ми́лостивно
низпосыла́ющи.

Ра́дуйтеся, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 7

Хотя́ще ваш дом благоче́стно устро́ити, любо́вь,
я́ко основа́ние, положи́ли есте́ и бра́к че́стен
до́бре соблюди́ есте́, благове́рнии супру́зи
Нико́лае и Алекса́ндро. Те́мже, и дще́ри ва́ша,
я́ко му́дрья евангелъския де́вы, воспита́вше, в
неве́сты Христу́ угото́вали есте́. С ними́же ны́не
вкúпе воспева́ете Бо́гу: Аллилу́ия.

Икос 7

Но́вую ми́лость дарова́ Госпо́дь наро́ду ру́сскому,
целому́дренныя дще́ри ца́рственныя четы́ О́льгу,
Тати́ану, Мари́ю и Анастаси́ю. Ты́я бо, жена́м
мироноси́цам подража́ющыя, елее́м милосе́рдия
боля́щим и стра́ждущим послужи́ша и, сме́рть за
Христа́ прие́мша, ны́не Престо́лу Бо́жию
предсто́ят. Сего́ ра́ди прославля́ем их си́це:

Ра́дуйтеся, дще́ри ца́ревы, обетова́ний Бо́жиих
сподо́бльшыяся;

ра́дуйте́ся, за́поведь Бо́жию о почита́нии
родите́лей соблю́дшыя.

Ра́дуйте́ся, досто́инство ца́рственное свя́то
сохраня́шыя;

ра́дуйте́ся, стихия́ми ми́ра сего не
порабо́щенныя.

Ра́дуйте́ся, лю́дем, су́щым в беда́х и ско́рбех, я́ко
Христу́, послужи́вшыя;

ра́дуйте́ся, за враго́в свои́х усер́дно
моли́вшыяся.

Ра́дуйте́ся, а́гницы непоро́чныя, в же́ртву Бо́гу
себе́ прине́сшыя;

ра́дуйте́ся, неvéсты Христо́вы, в черто́зех
Жени́ха Небе́снаго пребы́вающыя.

Ра́дуйте́ся, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 8

Стра́нно и чу́дно бысть рождéние твоё, святы́й
царе́вичу Алексие́. Плод бо благосла́вен моли́тв
Саро́вскаго чудотво́рца и ча́емый насле́дник
ца́рственных родите́лей быв, сла́ва, наде́жда и
упова́ние яви́лся еси́ всем конце́м Земли́ на́шей.

Сего́ ра́ди лю́дие Росси́йстии с ра́достью
благодáрственно воспéша Бо́гу: Аллилу́ия.

И́кос 8

К вы́шним душе́ю чи́стою устремля́ясь, святы́й
царéвичу Алексіе, измла́да болéзнь, я́ко крест от
Го́спода да́нный, безро́потно понéсл еси́, последі́
же, я́ко а́гнец незло́бивый, рука́ми злочесті́вых
убиен, моли́твенник пред Бо́гом яви́лся еси́. Сего́
ра́ди воспева́ем ти си́це:

Ра́дуйся, отроча́, от утробы́ ма́тере Бо́гом
предызбра́нное;

ра́дуйся, ча́до, моли́твами Саро́вскаго
чудотво́рца Росси́и дарова́нное.

Ра́дуйся, страда́льче, измла́да ско́рби и недуги
безро́потно понесы́й;

ра́дуйся, царéвичу, в болéзнях сострада́ние к
люде́м обреты́й.

Ра́дуйся, насле́днице, лишéние ца́рства земна́го
со смире́нием приéмый;

ра́дуйся, страстоте́рпче, Ца́рствия Небе́снаго от
Бо́га удостоенный.

Ра́дуйся, а́гнче незло́биве, от безбо́жных
закла́нный;

ра́дуйся, ца́рственный о́троче, венце́м
нетле́нным от Ца́ря ца́рствующих увенча́нный.

Ра́дуйтесь, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 9

Всяк ум челове́ческий смутíся, егда́ в земли́
на́шей беззакóние умно́жися, исти́на помрачíся
и ме́рзость запу́стения на ме́сте святе́м ста. Ты
же, ца́рю Николае, изгна́ние, поруга́ние и
темни́чное заточе́ние мужественне претерпе́в,
сын ве́рный Святы́я Це́ркве и страстоте́рпец
Христо́в яви́лся еси́. Сего́ ра́ди Це́рковь Ру́сская,
прославля́ючи тя, Бо́гу вопи́ет: Аллилу́ия.

И́кос 9

Ветии́ зломудреннии тща́шася оболга́ти тя
клевето́ю, пома́занниче Бо́жий Николае, ты же,
ева́нгельски вся терпя́, о благо́честии наро́да
Правосла́внаго попече́ние сугубое прилагал еси́.
Сего́ ра́ди, па́мять твою́ све́тло пра́зднующе,
воспева́ем ти си́це:

Ра́дуйся, прославлéния уго́дников Бо́жиих
до́брый рачите́лю;

ра́дуйся, па́стыря Кроншта́дтскаго
благогове́йный почита́телю.

Ра́дуйся, Са́ровских торже́ств держа́вный
возглави́телю;

ра́дуйся, ино́ческих оби́телей благочести́вый
покрови́телю.

Ра́дуйся, духо́вных вертогра́дов усер́дный
попечи́телю;

ра́дуйся, Правосла́вных хра́мов боголюби́вый
зда́телю.

Ра́дуйся, Святы́я Земли́ и Афони́ския Горы́
ще́дрый благотвори́телю;

ра́дуйся, устро́ения Це́ркве Ру́сския му́дрый
ревни́телю.

Ра́дуйтесь, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 10

Спасти́ хотя́ люди Росси́йския от рoзни
братоубийственны́я, царю́ Нико́лае, престо́л
земный оста́вил еси́, о́баче, на ми́лость Бо́жию
упова́я, непоколебим в ве́ре и благоче́стии
пребы́л еси́, воспева́я: Аллилу́ия.

И́кос 10

Стена́ и огражде́ние бысть Госпо́дь тебе́, царю́
Нико́лае, Ему́ же тёпле моли́лся еси́, да сохранит́
держа́ву Росси́йскую от наше́ствия
инопле́мник и братоуби́йственныя бра́ни,
наипа́че же лю́ди Правосла́вныя во благо́честии
да укрепит́. Сего́ ра́ди благодарне́ воспева́ем ти
си́це:

Ра́дуйся, полко́в Росси́йских му́дрый
предводи́телю;

ра́дуйся, ра́тных люде́й христолю́бивый
попечи́телю.

Ра́дуйся, оте́чества на́шего держа́вный
храни́телю;

ра́дуйся, словéнских наро́дов ре́вностный
защи́телю.

Ра́дуйся, мечи́ на ора́ла прекова́ти наро́ды
призва́вый;

ра́дуйся, мир имéти со все́ми язы́ки
преискренне́ жела́вый.

Ра́дуйся, благове́рным князе́м в благо́честии
подража́вый;

ра́дуйся, о́браз ца́ря Прабо́славнаго во смире́нии
ми́ру яви́вый.

Ра́дуйте́ся, ца́рственнии стра́стоте́рпцы,
зе́мли Росси́йския храни́телие и моли́твенницы.

Конда́к 11

Пе́ния вся́каго досто́йна па́мь вáша, святи́и
ца́рственнии стра́стоте́рпцы. Вы бо, о́браз
испове́дничества и ре́вности по Бо́же ве́рным
люде́м показáвше, запове́дасте не мсти́ти
злоде́ющим, па́че же проща́ти гоня́щим и
моли́тву твори́ти за них, пою́ще Бо́гу: Аллилу́ия.

И́кос 11

Светоно́сный свети́льник седмочи́сленный ве́мы
вас, святи́и ца́рственнии стра́стоте́рпцы,
ца́рским бо путе́м шество́юще, уго́товали себ́е
за Христа́ пострада́ти. Те́мже, просвети́те
омраче́нная сердца́ на́ша и ева́нгельским путе́м
шество́вати научи́те нас, прославля́ющих вас
си́це:

Ра́дуйте́ся, а́гнцы незло́бивии, А́гнцу Бо́жию в
кротости подража́вшии;

ра́дуйте́ся, о́браз терпе́ния в злострада́ниях
ве́рным показáвшии.

Ра́дуйте́ся, во́ всем жи́тий со́весть чи́сту
храни́вшии;

ра́дуйте́ся, уби́ение беззако́нное смире́нно
восприе́мшии.

Ра́дуйте́ся, седмочи́сленнии страстоте́рпцы, во
еди́ном ду́се Бо́гу предста́вшии;

ра́дуйте́ся, кро́вию му́ченическойо́у зе́млю на́шу
обагри́вшии.

Ра́дуйте́ся, лик благове́рных царей и князей
воспо́лнившии;

ра́дуйте́ся, собо́р святы́х земли́ Росси́йския
укра́сившии.

Ра́дуйте́ся, ца́рственнии страстоте́рпцы,
земли́ Росси́йския храни́телие и моли́твенницы.

Конда́к 12

Благода́ть изря́дну Бог дарова́ Цёркви
Росси́йстей, просла́вив вас на Небеси́,
ца́рственнии страстоте́рпцы, храни́телие и
покрови́телие страны́ на́шея. Сего́ ра́ди и мы на
земли́ почита́ем вас, Бо́гу вопию́ще: Аллилу́ия.

И́кос 12

Воспева́юще по́двиги ва́ша, ца́рственнии
страстоте́рпцы, просла́вляем Триеди́наго Бо́га.
Вы бо соизво́лением Отца́ Безнача́льнаго,
соверше́нием Сы́на Единоро́днаго и
соде́йствием Свята́го Ду́ха Бо́жия прича́стницы
Ца́рствия Небе́снаго соде́ластесе и засту́пницы
оте́чества на́шего яви́стесе. Сего́ ра́ди дерза́ем
взыва́ти вам си́це:

Ра́дуйтесе, я́ко просла́влению ва́шему Це́рковь
ра́дуется;

ра́дуйтесе, я́ко чудесы́ ва́шими ве́ра
укрепля́ется.

Ра́дуйтесе, я́ко о́бразы ва́ши мирото́чением
просла́вляю́тся;

ра́дуйтесе, я́ко в че́сть ва́шу хра́мы созида́ю́тся.

Ра́дуйтесе, я́ко жити́ем ва́шим лю́ди
благоче́стию науча́ю́тся.

ра́дуйтесе, я́ко терпе́нием ва́шим во страда́ниях
ве́рнии назида́ю́тся;

Ра́дуйтесе, я́ко ева́нгельския заветы́ исполня́ти
нас наста́вляете;

ра́дуйте́ся, я́ко бе́ды и ско́рби му́жественне нести́ нам помога́ете.

Ра́дуйте́ся, ца́рственнии страстоте́рпцы,
земли́ Росси́йския храните́лие и моли́твенницы.

Конда́к 13

О, свя́тии ца́рственнии страстоте́рпцы!
Приими́те от нас похва́льное си́е пе́ние и
ми́лостивым ва́шим хода́тайством умоли́те Ца́ря
Сла́вы мир стране́ на́шей дарова́ти, Це́рковь в
Правосла́вии и еди́нстве сохра́нити, нас же во
благоче́стии утверди́ти, да вопие́м
Бо́гу: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

Моли́тва

О, свя́тая седмери́це, ца́рственнии
страстоте́рпцы, Нико́лае, Алекса́ндро, Алексі́е,
Мари́е, О́льго, Тати́ано и Анастасі́е!

Вы, сою́зом любве́ Христо́вы связу́еми, дом ваш,
я́ко ма́лую Це́рковь, благоче́стно устроили есте́ и
смирэ́нием себе́ посреде́ земна́го вели́чия
укра́сили есте́. В годи́ну же братоуби́йственныя
бра́ни и гоне́ний безбо́жных во оте́честве на́шем,

все упова́ние на Бо́га возложи́вше, о́браз
терпе́ния и страда́ния всей земли́ Росси́йстей
яви́ли есте́ и, моля́щися о мучи́телех, клевету́,
узы́ и изгна́ние, глумле́ние, насмея́ние и
оболга́ние, уби́ение и телес поруга́ние
му́жественне претерпе́ли есте́. Сего́ ра́ди от
земна́го ца́рствия к Небе́сному прешли́ есте́ и
те́плии ходатаи́ о нас яви́лися есте́.

О, свя́ттии уго́дницы Бо́жии! Моли́тесь о нас
Бо́гу, да Це́рковь в единомы́слии и твёрде́й ве́ре
соблюде́т, страна́ нашу ми́ром и благоде́нствием
оградит́ и от междоусо́бных брани́ и разделе́ния
изба́вит, власть преде́ржающую умудри́т,
вои́нство му́жеством украси́т, супру́ги в
ве́рности и любви́ укрепи́т, ча́да в благоче́стии и
послуша́нии возрасти́т, и вся ны́ купно с ва́ми
сподо́бит воспева́ти Пречестно́е и Великоле́пое
и́мя Живонача́льных Трои́цы Отца́ и Сы́на и
Свята́го Ду́ха, ны́не и при́сно, и во ве́ки
веко́в. Ами́нь.

Моли́тва, страстоте́рпцу царю́ Никола́ю

О, святы́й страстоте́рпче, царю́ мучени́че
Нико́лае! Госпо́дь тя избра́ пома́занника Своего́,
во е́же ми́лостивно и пра́во суди́ти лю́дем твои́м
и храните́лем Це́ркве Правосла́вных бы́ти. Сего́
ра́ди со стра́хом Бо́жиим ца́рское служе́ние и о

душа́х попеча́ние соверша́л еси́. Госпо́дь же, испыту́я тя, я́ко Йо́ва Многострада́льнаго, попусти́ тебе́ поноше́ния, ско́рби го́рькия, изме́ну, преда́тельство, бли́жних отчу́жде́ние и в душе́вных му́ках земна́го ца́рства оста́вление. Вся́ сия́ ра́ди бла́га Росси́и, я́ко ве́рный сын ея́, претерпе́в, и, я́ко и́стинный раб Христо́в, му́ченическую кончи́ну прие́м, Небе́снаго Ца́рства дости́гл еси́, иде́же наслажда́еши́ся Вы́шняя сла́вы у Престо́ла всех Царя́, купно́ со свято́ю супру́жницею твоёю цари́цею Алекса́ндрою и ца́рственными ча́ды Алекси́ем, О́льгою, Тати́аною, Мари́ею и Анастаси́ею. Ны́не, име́я дерзнове́ние ве́лие у Христа́ Царя́, моли, да пода́ст нам Госпо́дь грехо́в прощ́ение и на вся́кую добродéтель наста́вит нас, да стяжи́м смире́ние, крото́сть и любо́вь, и сподо́бимся Небе́снаго Ца́рствия, иде́же купно́ с тобо́ю и все́ми святы́ми новомученики и испове́дники Росси́йскими просла́вим Отца́ и Сы́на и Свята́го Ду́ха, ны́не и при́сно, и во ве́ки веко́в. Ами́нь.



ПОЛНЬІЙ
АКАФИСТНИК
КАНОНИЧЕСКІЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО